

פרק ז

א שגיון לדוד אשר-שר לד' על-דברי-כוש בן-ימיני: ב ד'
אלקי בך חסיתי הושיעני מכל-רדפי והצילני: ג פן-יטרף
כאריה נפשי פרק ואין מציל: ד ד' אלקי אם-עשיתי זאת
אם-יש-עול בכפי: ה אם-גמלתי שולמי רע ואחלצה צוררי
ריקם: ו ירדף אויב | נפשי וישג וירמס לארץ חיי וכבודי |
לעפר ישפן סלה: ז קומה ד' | באפך הנשא בעברות צוררי
ועורה אלי משפט צוית: ח ועדת לאמים תסובבך ועליה
למרום שובה: ט ד' ידין עמים שפטיני ד' כצדקי וכתמי
עלי: י יגמר-נא רע | רשעים ותכונן צדיק ובחן לבות
וכליות אלקים צדיק: יא מגני על-אלקים מושיע ישרי-לב:
יב אלקים שופט צדיק וקל זעם בכל-יום: יג אם-לא ישוב
חרבו ילטוש קשתו דרך ויכוננה: יד ולו הכין פלי-מות
חציו לדלקים יפעל: טו הנה יחבל-און והרה עמל וילד
שקר: טז בור פרה ויחפרהו ויפל בשחת יפעל: יז ישוב
עמלו בראשו ועל-קדקדו חמסו ירד: יח אודה ד' כצדקו
ואזמנה שם-ד' עליון: